

Gvangjsih Minzczu Bau

Cawigueni: Gvangsijh Bouxcuengh Swigih Minzczu Cunghgvau Swvu Veijyenzei

Cawjiban: Gvangsijh Minzczu Bause

Geiz neix 12 bani

广西民族报 Aenhauh okbanj: CN45-0036

B.2025

Nd.11

Ng.5

Liggaeuq ietceih nienz ndwengouj cibroek Geizsoq: Gungh daih 3692 geiz

Gij Genyi Gvendaengz Ceiqdingh Aen Gveihva Haj Bi Daih Cibhaj Gozminz Ginghci Caeuq Sevei Fazcanj Cunghgung Cunghyangh

(2025 nienz 10 nyied 23 hauh Aen Hoih Daengxcungq Baez Daihseiq Cunghyangh Veijyenzei Gaiq Ngeihcib Cunghgoz Gungcanjdangj doenggvaq)

Aen Hoih Daengxcungq Baez Daihseiq Cunghyangh Veijyenzei Gaiq Ngeihcib Cunghgoz Gungcanjdangj haeujlaeg faensik gij hingzseiq ndaw guk rog guk, couh ceiqdingh aen gveihva “Cibhaj Haj” gozminz ginghci caeuq sevei fazcanj daezok gij genyi lajneix.

It、Mboengq “Cibhaj Haj” Dwg Mboengq Ceiq Youqgaenj Daihdaej Guhbaenz Sevei Cuiyi Yendaiva

(1) Mboengq “Cibseiq Haj” guk raeuz fazcanj aeundaiej cingzcik hungloet. Mboengq “Cibseiq Haj” guk raeuz fazcanj ginglig gig mbouj bingzciengz、gig mbouj yungzheih. Najdoi q gij hingzseiq rog guk fukcab doxgeuj caeuq gij yinvu ndaw guk gajgwz fazcanj onjdingh gannanz naekcaem, aen Dangjuncunghyangh aeu Siz Ginbingz dungzci guh goek doxgiet dazyinx daengx Dangj daengx guk gak cuz yinzminz, nyig nanz bae guh、haenqheiq baenaj, dingj gvaq gij binghra q baenz sigij noix raen haenx yiemzhaenq cungdongj, mizyauq wngqdoi q baenzroix fungyiemj deuqnyex hungnaek, doinyoengx saehnieb Dangj caeuq gukgya aeundaiej cingzcik hungnaek moq. Ginghci yinhhengz youq ndaw onjdingh miz baenaj, yiengh hwngfat coh ceiq ndei maenhsaed doihaeuj; gohgi cau hmoq cingzgoj lairaeuh, yiengh swngchanjiz rengzmoq onjbouh fatmaj; cienzmienh gyalae gajgwz cai q ndaej doihaeuj, gij doi q rog hailangh suijbingz sang haenx mboujduenh gyadaih; yiengh yinzminz minzcuj ron z goek daengz byai fazcanj haeujlaeg, cienzmienh ciuqfap guenj guk mizyauq saedhengz; vwnzva saehnieb caeuq vwnzva canjnieb hwngfat hoenghhwd, cingsaenz vwnzva canjbij lai saek lai yiengh; baujcan g beksingq gwndaenj netsaed onjmaenh, gij cingzgoj haenqrengz duetgungz gyamaenh gyalai; yamqdin cienj haeuj loegsaek danqnoix gyavai q, gij caetliengh swnghdai vanzging laebdaeb

gaijn dei; gij bonjsaeh bauj gukgya ancienz cai q lai gyaak, gai q hong ceihleix ndawbiengz ndaej engq mizrengz, aen daihbuenz ndawbiengz baujciz onjdingh; gozfangz caeuq bingdoi h guh ndei baenaj lailai; hengzguh “aen gukgya ndeu song cungj cidu” ndaej doi haeuj laeg bae; yiengh vaigyauh gukchung miz gij daegsaek Cungguk cienzmienh haigvangq; cienzmienh yiemzhaenq guenj Dangj cingzyauq yienhda, fanj nduknaeuh doucwng h doi haeuj ndaw laeg, gij rengzcauhguh、rengzgi etcomz、rengzdwkhoenx aen Dangj daezsang yienhda. Gij saedlig ginghci、saedlig gohgi、guklig gyoe bhab guk raeuz yat hwnj mbaek moq, gij yendaiva yiengh Cungguk byai q ok yamqdin maenhsaed moq, diuz roen moq buekguh gij moegbiu aen bak bi daihngaih guhbaenz haibuenz ndei. Aeundaiej doengh gij cingzcik hungloet neix, goekgaen dwg aenvih miz aen Dangjuncunghyangh aeu Siz Ginbingz dungzci guh goek haenx gaemdox dazroen, dwg aenvih miz Aen Swhsiengj Sevei Cuiyi Miz Gij Daegsaek Cungguk Seizdaih Moq Siz Ginbingz gohyoz dazyinx.

(2) Mboengq “Cibhaj Haj” youq ndaw roenloh daihdae j guhbaenz sevei cuiyi yendaiva miz aen diegvih youqgaenj cie p gonq hai laeng. Guhbaenz sevei cuiyi yendaiva dwg duenh roen raez baez mbaek hwnjsang、mboujduenh hwngfat doxbae ndeu, aeu lien zdaemh roengzrengz、doxciep buekguh. Mboengq “Cibhaj Haj” dwg mboengq ceiq youqgaenj daihdae j guhbaenz sevei cuiyi yendaiva cuknet giekdae j、cienzmienh fatrengz haenx, aeu gyamaenh haigvangq gijnde i, cawz bae gijgaz、bouj giz dinj giz nyieg, youq ndaw gozci beija k haenqrem hingz ndaej canloz cujdu ng, doidoengh gij canloz yinvu nangq daengz daengx aen yendaiva yiengh Cungguk ndaej daih cungbyoengq, vih daihdae j guhbaenz sevei cuiyi yendaiva dwk roengz aen giekdae j engqgya maenhsaed. (cienj banj 2)

Aen Gangjmingz Gvendaengz《Gij Genyi Gvendaengz Ceiqdingh Aen Gveihva Haj Bi Daih Cibhaj Gozminz Ginghci Caeuq Sevei Fazcanj Cunghgung Cunghyangh》

□ Siz Ginbingz

Gak boux dungzci:

Cunghyangh Cwngcigiz dak gou, yiengq cienzhohi gangjmingz gij cingzgvang mizgven dajgauj 《Gij Genyi Gvendaengz Ceiqdingh Aen Gveihva Haj Bi Daih Cibhaj Gozminz Ginghci Caeuq Sevei Fazcanj Cunghgung Cunghyangh》(lajneix heuhguh 《Genyi》).

It、Faenh Gauj 《Genyi》 Neix Baenzlawz Raiz Baenz

Cei qdingh aen gveihva cungciengzgeiz daeuj dazyinx ginghci sevei fazcanj, dwg yiengh fuengsik youqgaenj guenj guk ceih biengz Dangj raeuz. Aen gveihva “Cibseiq Haj” yae k youq bineix guhsat lo, aeu yenzgiu ceiqdingh aen gveihva “Cibhaj Haj”. Yenzgiu ceiqdingh ndei aen gveihva “Cibhaj Haj”, doi q doinyoengx ginghci sevei guk raeuz lien zdaemh cangqheiq hwngfat, vih ciuqgeiz daihdae j guhbaenz sevei cuiyi yendaiva dwk roengz aen giekdae j engqgya maenhsaed, miz ei qngeih hungloet.

Bineix 1 nyied, Cunghyangh Cwngcigiz gietdingh, Baez Seiq Cungh Cienzhohi Gaiq Ngeihcib Dangj raeuz saemjlnh faenh gezyi aen gveihva “Cibhaj Haj”, laebbaenz aen cuj dajgauj vwnzgen, hawj gou dang cujcangj, Lij Gyangz、Vangz Huningz、Cai Giz、Dingh Sezsiengz dungzci dang fucujcangj, boux fucwz dungzci mizgven bouhmonz caeuq dei hfueng caeuqfaenh, youz Cunghyangh Cwngcigiz Cangzveijvei lingjdauj, rapdawz gai q hong dajgauj faenh gauj 《Genyi》 neix. 2 nyied 11 hauh, aen cuj dajgauj vwnzgen ciuhai aen hoih daengxcungq baez daih’ it, cingqsik hainduj dajgauj faenh gauj 《Genyi》 neix.

Dangjuncunghyangh youq mwh dajgauj vwnzgen, daj goek daengz byai cungj fazyangz minzcuj、gyonjcomz yigen genyi vunz lai, haeujlaeg bae diucaz yenzgiu, cam’ aeu yigen gak fueng. 1 nyied 22 hauh, Dangjuncunghyangh fatok 《Aen Dunghci h Gvendaengz Doiq Baez Seiq Cungh Cienzhohi Gaiq Ngeihcib Dangj Raeuz Yenzgiu Gij Genyi Aen Gveihva “Cibhaj Haj” Cam’ aeu Yigen》, doi q gij vunz daegdingh ndaw Dangj rog Dangj cam’ aeu yigen. 2 nyied ndawnyieb, Dangjuncunghyangh cujciz 6 aen diuyenzcuj, bae 12 aen sengj gih si guh cienda ez diuyenz. Doengzseiz, Dangjuncunghyangh baijbouh bouhfaenh cunghyangh caeuq gukgya gihgvanh yenzgiu le 35 hangh goqdae z cungdenj. 4 nyied 30 hauh, gou youq Sanghaij cujciz ciuhai codanzvei yaenglwnh mbangj aen sengj gih si youq mboengq “Cibhaj Haj” ginghci sevei baenzlawz hwngfat. Gvaqlaeng, dak Lij Gyangz dungzci gonqlaeng ciuhai ginghci gyai q、gohgi gyai q、gihcwngz dai byauj 3 aen codanzvei. Dou lij youq gwnz vangj cam—aeu yigen, sou ndaej 300 lai fanh diuz yigen genyi, mizgven fuengmienh daj ndawde leh ok 1500 lai diuz genyi. Gak fuengmienh cungj nyinhnaeuz, Baez Seiq Cungh Cienzhohi Gaiq Ngeihcib Dangj raeuz haeujnaek yenzgiu aen vwndiz gvendaengz gij genyi aen gveihva “Cibhaj Haj”, doi q hawj gij fazcanj gveihva gukgya engq ndei langh’ ok yiengh yunghcawq dazyinx daengxbuenz, youh cai q gietcomz gij rengz hung rengz hoengh daengx Dangj daengx guk gak cuz yinzminz bae doxgiet haenqguh, aeu gij yendaiva yiengh Cungguk bae cienzmienh doicaenh aen saehnieb hungmbwk hwnqguh gukak、minzczu fukhwng, miz ei qngeih youqgaenj. Gyoe bhab buenqduenh, youq mboengq “Cibhaj Haj”, guk raeuz hwngfat gawq bungzdaengz canloz seizgei youh miz fungyiemj deuqnyex, gij yinh su mbouj doekdingh nanz liuh daengz de dem lai, hoeng gij diuzgienh dingjcengj ginghci sevei guk raeuz naihnanz hwngfat coh ndei caeuq gij daihdae j seiqdaeuz de cix mbouj miz gajjbienq. Gak fuengmienh cungj maqmuengh, mingzbe g doekdingh gij cungjdae j lohnaemj、yenzcwz youqgaenj、cuiyau moegbiu、canloz yinvu caeuq gij banhfap hungnaek ginghci sevei fazcanj mboengq “Cibhaj Haj”, doinyoengx mboengq “Cibhaj Haj” hwngfat coh ceiq ndei bae, vih daihdae j guhbaenz sevei cuiyi yendaiva dwk roengz aen giekdae j engqgya maenhsaed. (cienj banj 11)